

- учињени нечитљивим, учини доступном лицима која нису лица из тач. б) и ц) овог става.
- (6) Број лица из става (5) тач. б) и ц) овог члана не смије бити већи од броја који је потребан да би се обезбиједило право странке на стручну помоћ и на правично суђење.
- (7) Приликом одлучивања о мјерама из става (5) овог члана и процјене њихове оправданости, суд узима у обзир потребу да се обезбиједи право странака на стручну помоћ и на правично суђење, оправдане интересе странака и трећих лица, с обзиром на околности случаја, као и вјероватноћу настанка штете за једну од странака или за трећа лица, која би могла настати због одређивања или неодређивања тих мјера.
- (8) Обрада личних података на основу мјера за очување тајности из овог члана спроводи се у складу са прописима којима се уређује заштита личних података.

Члан 21.

(Права страних лица на заштиту пословне тајне)

- (1) Страно физичко или правно лице у погледу заштите пословне тајне ужива иста права као и домаће физичко или правно лице ако то произлази из међународних уговора који се примјењују у БиХ или из принципа узајамности.
- (2) Постојање узајамности се претпоставља, а странка која тврди супротно, дужна је то доказати.

ДИО ЧЕТВРТИ - ОДРЕДБЕ О ПРЕКРШАЈИМА

Члан 22.

(Прекршаји)

- (1) Правно лице које супротно члану 5. овог закона незаконито прибави, користи или открије пословну тајну, казниће се за прекршај новчаном казном у износу од 1.000 КМ до 30.000 КМ.
- (2) За радње из става (1) овог члана казниће се за прекршај одговорно лице у правном лицу новчаном казном у износу од 500 КМ до 2.000 КМ.
- (3) За радње из става (1) овог члана казниће се за прекршај предузетник новчаном казном у износу од 500 КМ до 10.000 КМ.
- (4) За радње из става (1) овог члана казниће се за прекршај физичко лице новчаном казном у износу од 200 КМ до 2.000 КМ.

Члан 23.

(Предмети извршења прекршаја)

Предмети извршења прекршаја из члана 22. овог закона биће одузети и уништени, а предмети који су били употријебљени за извршење прекршаја из члана 22. овог закона биће одузети.

ДИО ПЕТИ - ЗАВРШНЕ ОДРЕДБЕ

Члан 24.

(Ограничење у примјени)

Одредбе овог закона неће се примјењивати на пословну тајну у дијелу у којем су претпоставке правне заштите и правила поступка за заштиту пословне тајне од незаконитог прибављања, коришћења и откривања изричито другачије уређени посебним законом.

Члан 25.

(Ступање на снагу и примјена)

Овај закон ступа на снагу осмог дана од дана објављивања у "Службеном гласнику БиХ", а од тог датума се истовремено и примјењује, осим одредбе члана 19 тачке а),

у дијелу који се односи на примјену прописа Европске уније, који се примјењује од дана приступања БиХ Европској унији.

Број 01.02-02-1-1858/25

14. маја 2026. године

Сарајево

Председавајући
Представничког дома
Парламентарне скупштине
БиХ
Дарко Бабаљ, с. р.

Председавајући
Дома народа
Парламентарне скупштине
БиХ
Кемал Адемовић, с. р.

837

Na osnovu člana IV. 4. a) Ustava Bosne i Hercegovine, Parlamentarna skupština Bosne i Hercegovine na 33. sjednici Predstavničkog doma, održanoj 27. novembra 2025. godine, i na 31. hitnoj sjednici Doma naroda, održanoj 14. maja 2026. godine, usvojila je

ZAKON**O ZAŠTITI TOPOGRAFIJA POLUPROVODNIČKIH PROIZVODA****ДИО ПРВИ - ОПЋЕ ОДРЕДБЕ**

Члан 1.

(Предмет Закона)

- (1) Ovim zakonom uređuju se: topografija poluprovodničkog proizvoda, uslovi zaštite topografije poluprovodničkog proizvoda, prava njenog stvaraoca odnosno stvaraоeвог poslodavca ili lica koje je naručilo njenu izradu, kao i način i ostvarivanje tog prava.
- (2) Zakon o zaštiti topografija poluprovodničkih proizvoda usklađuje se s odredbama sljedećih propisa Evropske unije:
- Direktivom Vijeća br. 1987/54/EEZ od 16. decembra 1986. godine o pravnoj zaštiti topografija poluprovodničkih proizvoda;
 - Direktivom 2004/48/EZ Evropskog parlamenta i Vijeća o provođenju prava intelektualnog vlasništva (SL L 157, 30.4.2004.).
- (3) Odredbe direktiva iz stava (2) ovog člana navode se isključivo u svrhu praćenja i informiranja o preuzimanju pravne теeвине Evropske unije u zakonodavstvo Bosne i Hercegovine.

Члан 2.

(Upotreba izraza u muškom i ženskom rodu)

Riječi koje su radi preglednosti u ovom zakonu navedene u jednom rodu bez diskriminacije se odnose i na muški i na ženski rod.

Члан 3.

(Definicije pojmova)

- (1) Poluprovodnički proizvod, u smislu ovog zakona, jeste gotov proizvod ili međuproizvod namijenjen za izvršenje određene elektronske funkcije, isključivo ili zajedno s drugim funkcijama, koji se sastoji od sloja poluprovodničkog materijala i od jednog ili više drugih slojeva provodnog, izolacijskog ili poluprovodničkog materijala, raspoređenih s unaprijed utvrđenim trodimenzionalnim uzorkom.
- (2) Topografija poluprovodničkog proizvoda (u daljnjem tekstu: topografija), u smislu ovog zakona, jeste skup povezanih slika, fiksiranih ili kodiranih na bilo koji način, koje predstavljaju trodimenzionalni uzorak slojeva od kojih je

poluprovodnički proizvod sastavljen, pri čemu svaka slika prikazuje uzorak ili dio uzorka površine poluprovodničkog proizvoda u bilo kojoj fazi njegove proizvodnje.

- (3) Komercijalna upotreba označava prodaju, iznajmljivanje ili bilo koji drugi način komercijalnog stavljanja u promet zaštićene topografije, uključujući i njeno nuđenje u te svrhe. Prva komercijalna upotreba topografije ne uključuje njenu upotrebu pod uslovom povjerljivosti, ako se ona ne stavlja dalje u promet.

Član 4.

(Predmet i uslovi zaštite)

- (1) Predmet zaštite je izvorna topografija u smislu da je rezultat intelektualnog napora njenog stvaraoca i da u vrijeme nastanka nije bila općepoznata u industriji poluprovodničkih proizvoda.
- (2) Topografija koja se sastoji od elemenata i međuveza koji su uobičajeni u industriji poluprovodničkih proizvoda može biti zaštićena samo ako, posmatrano u cjelini, ispunjava uslove iz stava (1) ovog člana.

Član 5.

(Individualni karakter kao uslov zaštite)

- (1) Trodimenzionalne strukture topografije štite se u skladu s ovim zakonom ako i u mjeri u kojoj imaju individualni karakter, a to se odnosi i na nezavisno korištene dijelove, kao i na prikaze za izradu topografija.
- (2) Topografija ima individualni karakter ako se, kao rezultat intelektualnog rada, ne proizvodi samo repliciranjem druge topografije i nije uobičajena pojava.
- (3) Ako se topografija sastoji od rasporeda svakodnevnih dijelova, ona se štiti do te mjere da raspored u cjelini ima individualni karakter.
- (4) Zaštita iz stava (1) ne odnosi se na nacрте, procese, sisteme, tehnike na kojima se zasniva topografija ili na informacije pohranjene u mikroelektronskom poluprovodničkom proizvodu, već samo na topografiju kao takvu.

Član 6.

(Rokovi za zaštitu)

- (1) Zaštita topografije može se tražiti u roku od dvije godine od datuma njene prve komercijalne upotrebe bilo gdje u svijetu.
- (2) Ako topografija nije komercijalno korištena bilo gdje u svijetu, zaštita topografije može se tražiti u roku od 15 godina od dana njenog nastanka.

Član 7.

(Subjekti zaštite)

- (1) Pravo na zaštitu topografije ima njen stvaralac odnosno njegov pravni sljednik. Ako je topografiju stvorilo više stvaralaca, njima pripada zajedničko pravo na zaštitu.
- (2) Ako je topografija nastala u radnom odnosu ili po narudžbi, pravo zaštite topografije ima poslodavac odnosno lice koje je naručilo njenu izradu, osim ako je ugovorom drugačije predviđeno.

Član 8.

(Nacionalni tretman)

- (1) Zaštitu prema ovom zakonu uživaju fizička i pravna lica koja:
- su državljani Bosne i Hercegovine,
 - imaju prebivalište ili sjedište u Bosni i Hercegovini ili su na teritoriji Bosne i Hercegovine prva komercijalno koristila topografiju koja do tada nije bila komercijalno korištena bilo gdje u svijetu.
- (2) Strana fizička i pravna lica uživaju jednaku zaštitu kao i lica iz stava (1) ovog člana ako to proizlazi iz međunarodnih

ugovora i konvencija kojima je pristupila odnosno koje je ratificirala Bosna i Hercegovina ili iz primjene principa uzajamnosti.

- (3) Pravo na zaštitu topografije priznato na osnovu ovog zakona vrijedi samo za teritoriju Bosne i Hercegovine.

DIJELI DRUGI - POSTUPAK ZA ZAŠTITU

Član 9.

(Opće odredbe)

- (1) Postupak za zaštitu topografije vodi Institut za intelektualno vlasništvo Bosne i Hercegovine (u daljnjem tekstu: Institut).
- (2) Institut vodi registar topografija u elektronskom obliku.
- (3) Protiv odluke Instituta, donesene u prvom stepenu, kojom je odlučeno o predmetu postupka, dopuštena je žalba o kojoj odlučuje Komisija za žalbe Instituta (u daljnjem tekstu: Komisija za žalbe).
- (4) Protiv rješenja Komisije donesenog u drugom stepenu žalba nije dopuštena, ali se može pokrenuti upravni spor pred Sudom Bosne i Hercegovine.
- (5) Za sve radnje preduzete u upravnom postupku za sticanje i održavanje prava zaštite topografije, kao i za radnje preduzete u postupku povodom žalbe plaćaju se administrativne takse i naknade posebnih troškova postupka, u skladu s posebnim propisima.
- (6) Ako propisana administrativna taksa i naknada posebnih troškova postupka nisu plaćene u propisanom roku, prijava se zaključkom odbacuje.
- (7) Na pitanja koja nisu uređena ovim zakonom i provedbenim propisima primjenjuju se odredbe zakona kojima se uređuje upravni postupak na nivou Bosne i Hercegovine.
- (8) Direktor Instituta pravilnikom propisuje sadržaj i način vođenja registra iz stava (2) ovog člana.

Član 10.

(Zastupanje)

- (1) Zastupanjem u postupku zaštite topografije koji se vodi pred Institutom mogu se baviti ovlašteni zastupnici, tj. fizička i pravna lica upisana u registar patentnih zastupnika, koji u elektronskom obliku vodi Institut.
- (2) Strano fizičko ili pravno lice koje nema prebivalište odnosno stvarno i aktivno industrijsko ili trgovačko poslovno sjedište u Bosni i Hercegovini u postupku zaštite topografije mora zastupati zastupnik iz stava (1) ovog člana.

Član 11.

(Podnošenje prijave za zaštitu topografije)

- (1) Postupak za zaštitu topografije pokreće se podnošenjem Institutu prijave za zaštitu topografije (u daljnjem tekstu: prijava).
- (2) Institut ne provjerava ima li podnosilac prijave pravo podnijeti prijavu.
- (3) Za svaku topografiju podnosi se posebna prijava.

Član 12.

(Sadržaj prijave)

- (1) Prijava sadrži zahtjev za priznanje prava na zaštitu topografije i priloge.
- (2) Zahtjev za priznanje prava na zaštitu topografije sadrži:
- naziv topografije ili pobliže označavanje područja topografije;
 - podatke o podnosiocu prijave;
 - podatke o zastupniku podnosioca prijave, ako postoji;
 - datum podnošenja prijave;
 - datum nastanka topografije, ako topografija nije bila komercijalno korištena, ili datum i mjesto kada je

- topografija prvi put komercijalno korištena bilo gdje u svijetu.
- (3) Uz zahtjev za priznanje prava na zaštitu topografije podnose se sljedeći prilozi:
- opis topografije s podacima koji definiraju elektronsku funkciju koju izvršava poluprovodnički proizvod izrađen prema topografiji;
 - grafički prikaz ili prikaz topografije u drugom odgovarajućem obliku kojim se topografija identificira, posebno nacrt ili fotografije planova za izradu poluprovodničkog proizvoda prema topografiji, za koju se traži zaštita;
 - primjerak poluprovodničkog proizvoda proizvedenog prema topografiji za koju se traži zaštita, ako je poluprovodnički proizvod komercijalno korišten;
 - dokaz o komercijalnoj upotrebi topografije, ako je topografija komercijalno korištena.
- (4) Direktor Instituta pravilnikom propisuje oblik i sadržaj zahtjeva za priznanje prava na zaštitu topografije, te sadržaj priloga koji se podnose uz zahtjev.

Član 13.

(Dijelovi prijave koji nisu dostupni javnosti)

- Podnosilac prijave može pri njenom podnošenju tražiti da dijelovi priloga iz člana 12. stav (3) tačka b) ovog zakona, koji predstavljaju poslovnu tajnu, ne budu dostupni trećim licima, pod uslovom da su ostali dijelovi spomenutog priloga dovoljni za identifikaciju topografije.
- Sud može naložiti otkrivanje dijelova priloga iz stava (1) ovog člana licima koja su uključena u upravni ili sudski postupak koji se odnosi na utvrđivanje ništavosti rješenja o priznanju prava na zaštitu topografije ili na povredu prava na zaštitu topografije, ako je to neophodno za provođenje postupka.

Član 14.

(Ispitivanje prijave)

- Nakon zaprimanja prijave, Institut ispituje da li je predmet prijave topografija u smislu člana 3. stav (2) ovog zakona i da li je prijava podnesena u roku iz člana 6. ovog zakona.
- Nakon što utvrdi ispunjenost uslova iz stava (1) ovog člana Institut ispituje:
 - ako je podnosilac prijave strano lice, da li je prijava podnesena posredstvom zastupnika u smislu člana 10. ovog zakona;
 - da li je podnesena posebna prijava za svaku topografiju u smislu člana 11. stav (3) ovog zakona;
 - sadrži li prijava sve podatke iz zahtjeva za priznanje prava i priloge u smislu člana 12. st. (2) i (3) ovog zakona;
 - da li su plaćene administrativne takse i naknade posebnih troškova postupka za prijavu iz člana 9. stav (5) ovog zakona;
 - sadrže li zahtjev za priznanje prava na zaštitu topografije i prilozi koji se podnose uz taj zahtjev propisane elemente u smislu člana 12. stav (4) ovog zakona.
- Ako prijava nije podnesena u roku iz člana 6. ovog zakona, Institut će donijeti zaključak o odbacivanju prijave.
- Ako Institut, na osnovu provedenog postupka ispitivanja prijave iz st. (1) i (2) ovog člana, utvrdi da predmet prijave nije topografija u smislu člana 3. stav (2) ovog zakona odnosno da prijava nije podnesena u skladu s odredbom stava (2) ovog člana, on će u roku od 30 dana od dana

podnošenja prijave pozvati podnosioca prijave da otkloni uočene nedostatke i ostaviti mu rok koji ne može biti kraći od 30 dana niti duži od 90 dana.

- Ako podnosilac prijave ne otkloni nedostatke iz stava (4) ovog člana u ostavljenom roku, Institut će donijeti zaključak kojim se prijava odbacuje.
- Datum zaprimanja uredne prijave u Institutu priznaje se kao datum podnošenja prijave.
- Prijava kojoj je priznat datum podnošenja upisuje se u registar topografija iz člana 9. stav (2) ovog zakona.

Član 15.

(Priznanje prava na zaštitu topografije)

- Ako Institut po provedenom postupku ispitivanja prijave iz člana 14. st. (1) i (2) ovog zakona utvrdi da su ispunjeni uslovi za priznanje prava, donijet će rješenje o priznanju prava na zaštitu topografije.
- Priznato pravo na zaštitu topografije upisuje se u registar topografija.
- Nakon upisa topografije u registar, nosiocu prava izdaje se isprava o pravu na zaštitu topografije. Sadržaj isprave o pravu na zaštitu topografije približe se uređuje provedbenim propisom.
- Podaci iz registra topografije objavljuju se u "Službenom glasniku Instituta" (u daljnjem tekstu: službeno glasilo).
- Direktor Instituta pravilnikom propisuje oblik i sadržaj isprave iz stava (3) te sadržaj objave iz stava (4) ovog člana.

Član 16.

(Stavljanje topografije na uvid javnosti)

- Od upisa prava u registar topografija svako ima pravo, na osnovu pisanog zahtjeva i u prisustvu službenog lica, u prostorijama Instituta pregledati prijavu i dobiti kopiju zahtjeva za priznanje prava na zaštitu topografije i priloga iz člana 12. stav (3) tač. a), b) i d) ovog zakona.
- Direktor Instituta pravilnikom propisuje postupak iz stava (1) ovog člana.

DIO TREĆI - ISKLJUČIVA PRAVA, OGRANIČENJE, TRAJANJE I PROMET PRAVA

Član 17.

(Isključiva prava)

- Nosilac prava na zaštitu topografije ima isključivo pravo dozvoliti ili zabraniti drugom da:
 - umnožava zaštićenu topografiju u cjelini ili njene bitne dijelove;
 - proizvodi poluprovodnički proizvod koji sadrži zaštićenu topografiju ili njene bitne dijelove;
 - uvozi, nudi radi stavljanja u promet, stavlja u promet ili na drugi način komercijalno koristi ili uvozi za te svrhe primjerke zaštićene topografije ili njenih bitnih dijelova, poluprovodnički proizvod u kojem je sadržana zaštićena topografija ili njeni bitni dijelovi, kao i proizvode u kojima je ugrađen poluprovodnički proizvod koji sadrži zaštićenu topografiju ili njene bitne dijelove.
- Za vrijeme trajanja prava na zaštitu topografije nosilac je ovlašten da označava poluprovodnički proizvod koji je proizveden upotrebom zaštićene topografije velikim slovom "T".

Član 18.

(Ograničenje prava)

- Ne smatra se povredom prava iz člana 17. stav (1) tačka a) ovog zakona umnožavanje topografije:
 - za ličnu upotrebu u nekomercijalne svrhe,

- b) za nastavu koja se odnosi na topografiju, kao i za stručne analize ili istraživanja.
- (2) Ne smatra se povredom prava iz člana 17. ovog zakona ako određena osoba, na osnovu analize ili istraživanja zaštićene topografije, stvori topografiju koja ispunjava uslove iz člana 4. ovog zakona i takvu topografiju koristi na način iz člana 17. ovog zakona.

Član 19.

(Komercijalna upotreba zaštićene topografije bez saglasnosti nosioca prava)

- (1) Lice koje pri sticanju poluprovodničkog proizvoda nije znalo ili nije imalo opravdani razlog vjerovati da je riječ o proizvodu na kojem postoji tuđe pravo na zaštitu topografije ne može se spriječiti da komercijalno koristi taj proizvod.
- (2) Lice iz stava (1) ovog člana dužno je platiti odgovarajuću naknadu za komercijalnu upotrebu zaštićene topografije, koja uslijedi nakon što je to lice saznalo ili je imalo opravdani razlog vjerovati da je riječ o proizvodu na kojem postoji tuđe pravo na zaštitu topografije. Sud određuje odgovarajuću naknadu, osim ako stranke riješe spor pregovorima, posredovanjem ili na drugi pravno obavezujući način.
- (3) Odredbe st. (1) i (2) ovog člana odnose se i na pravne sljednike lica koje je steklo poluprovodnički proizvod na kojem postoji tuđe pravo na zaštitu topografije.

Član 20.

(Iscrpljenje prava)

Ne smatraju se povredom prava radnje iz člana 17. stav (1) tačka c) ovog zakona ako se odnose na primjerak zaštićene topografije odnosno na poluprovodnički proizvod koji sadrži zaštićenu topografiju koju je prvi put stavio u promet u Bosni i Hercegovini nosilac prava, ili lice koje ima njegovu saglasnost, odnosno nakon pristupanja Evropskoj uniji na području neke od država Evropske unije, odnosno država koje su strane ugovornice Ugovora o Evropskom ekonomskom prostoru, lice koje je ovlašteno da odobri komercijalno iskorištavanje topografije ili neko drugi uz njegovu saglasnost.

Član 21.

(Trajanje prava)

- (1) Rok trajanja prava zaštite topografije počinje od priznatog datuma podnošenja prijave za registraciju topografije ili od dana prve komercijalne upotrebe topografije bilo gdje u svijetu, zavisno od toga koji je datum ranije.
- (2) Isključivo pravo na zaštitu topografije prestaje istekom kalendarske godine u kojoj se navršava deset godina od dana početka roka iz stava (1) ovog člana.

Član 22.

(Prijenos prava i licenci)

- (1) Pravo na zaštitu topografije može biti, u cjelini ili djelimično, predmet prijenosa na osnovu ugovora o prijenosu ili na osnovu nasljeđivanja.
- (2) Pojedina ili sva ovlaštenja iz prava na zaštitu topografije mogu, s ograničenjima ili bez njih, biti predmet ustupanja na osnovu ugovora o licenci.
- (3) Ugovori iz st. (1) i (2) ovog člana pravovaljani su samo ako su sastavljeni u pisanoj formi.
- (4) Na zahtjev jedne od ugovornih strana, podaci o ugovorima iz st. (1) i (2) ovog člana upisuju se u registar topografija.
- (5) Prijenos prava odnosno ugovorni odnosi iz st. (1) i (2) ovog člana imaju djelovanje prema trećim licima samo ako su upisani u registar topografija.

- (6) Direktor Instituta pravilnikom propisuje sadržaj upisa u registar topografija, koji se upisuje u skladu s odredbama st. (1) i (2) ovog člana.

DIO ČETVRTI - PROGLAŠAVANJE NIŠTAVIM RJEŠENJA O PRIZNANJU PRAVA NA ZAŠTITU TOPOGRAFIJE

Član 23.

(Ovlaštenje za pokretanje postupka i razlozi za ništavost)

- (1) Institut će, na prijedlog zainteresiranog lica ili pravobranioca BiH ili ombudsmena BiH ili po službenoj dužnosti, proglasiti ništavim rješenje o priznanju prava zaštite topografije ako utvrdi da u momentu donošenja rješenja:
- predmet zaštite nije bila topografija, u smislu člana 3. stav (2) ovog zakona;
 - topografija nije ispunjavala uslove za zaštitu, u smislu člana 5. ovog zakona;
 - prijava nije bila podnesena u roku iz člana 6. ovog zakona;
 - nosilac prava na topografiju nije imao pravo na zaštitu, u smislu čl. 7. i 8. ovog zakona;
 - prilozi iz člana 12. stav (3) ovog zakona nisu imali propisane elemente odnosno nisu odgovarali topografiji za koju je zatražena zaštita.
- (2) Postupak za proglašavanje ništavim rješenja o priznanju prava na zaštitu topografije može se pokrenuti pred Institutom tokom cijelog roka trajanja prava na zaštitu topografije.
- (3) Ako podnosilac prijedloga za proglašavanje ništavim rješenja o priznanju prava na zaštitu topografije tokom postupka odustane od svog zahtjeva, Institut može nastaviti postupak po službenoj dužnosti.

Član 24.

(Ograničenje djelovanja poništenja)

Poništenje rješenja o priznanju prava zaštite topografije nema retroaktivno djelovanje na pravosnažne sudske odluke u vezi s utvrđivanjem povrede prava, kao ni na sklopljene ugovore o prijenosu prava, odnosno ustupanju licence, ako su i u mjeri u kojoj su ti ugovori izvršeni, pod uslovom da je nosilac prava bio savjestan.

DIO PETI - PRIJELAZNE I ZAVRŠNE ODREDBE

Član 25.

(Usklađena primjena Zakona o patentu)

Odredbe Zakona o patentu kojima se uređuju: ovlaštenje za zastupanje, postupak za proglašavanje ništavim rješenja o priznanju prava, prestanak prava zaloga, izvršenje, stečaj, građanskopravna zaštita prava i carinske mjere na odgovarajući se način primjenjuju na topografije koje su predmet zaštite prema ovom zakonu.

Član 26.

(Primjena Zakona)

- (1) Odredbe ovog zakona primjenjuju se samo na topografije koje su nastale nakon datuma početka njegove primjene.
- (2) Postupci pokrenuti do dana početka primjene ovog zakona dovršit će se prema odredbama Zakona o zaštiti topografije integriranog kola ("Službeni glasnik BiH", broj 53/10).

Član 27.

(Propisi za primjenu ovog zakona)

- (1) Direktor Instituta donijet će pravilnik o primjeni ovog zakona do dana određenog za njen početak.
- (2) Direktor Instituta podnijet će nadležnim institucijama prijedlog izmjena propisa kojima se uređuju takse i naknade posebnih troškova u postupku sticanja i održavanja, kako bi

se uskladili s odredbama ovog zakona, dva mjeseca od njegovog stupanja na snagu.

- (3) Prijedlog za izmjenu propisa kojima se uređuju takse podnosi se Ministarstvu finansija i trezora Bosne i Hercegovine, a odluku o posebnim troškovima postupka, na prijedlog direktora Instituta, donosi Ministarstvo vanjske trgovine i ekonomskih odnosa Bosne i Hercegovine.

Član 28.

(Zaštita ličnih podataka)

Prilikom primjene ovog zakona, obrada ličnih podataka provodit će se u skladu s propisima kojima se uređuje zaštita ličnih podataka u Bosni i Hercegovini.

Član 29.

(Prestanak važenja zakona)

Početkom primjene ovog zakona prestaje važiti Zakon o zaštiti topografije integriranog kola ("Službeni glasnik BiH", broj 53/10).

Član 30.

(Stupanje na snagu i primjena)

Ovaj zakon stupa na snagu osmog dana od dana objavljivanja u "Službenom glasniku BiH", a primjenjuje se po isteku godine dana od dana stupanja na snagu.

Broj 01,02-02-1-1859/25

14. maja 2026. godine

Sarajevo

Predsjedavajući

Predstavničkog doma

Parlamentarne skupštine BiH

Darko Babalj, s. r.

Predsjedavajući

Doma naroda

Parlamentarne skupštine BiH

Kemal Ademović, s. r.

Na temelju članka IV. 4. a) Ustava Bosne i Hercegovine, Parlamentarna skupština Bosne i Hercegovine na 33. sjednici Zastupničkog doma, održanoj 27. studenoga 2025. godine, i na 31. hitnoj sjednici Doma naroda, održanoj 14. svibnja 2026. godine, usvojila je

ZAKON O ZAŠTITI TOPOGRAFIJA POLUVODIČKIH PROIZVODA

DIO PRVI - OPĆE ODREDBE

Članak 1.

(Predmet Zakona)

- (1) Ovim zakonom uređuju se: topografija poluvodičkog proizvoda, uvjeti zaštite topografije poluvodičkog proizvoda, prava njezinog stvaratelja, odnosno stvarateljevog poslodavca ili osobe koja je naručila njezinu izradu, kao i način i ostvarivanje toga prava.
- (2) Zakon o zaštiti topografija poluvodičkih proizvoda uskladuje se s odredbama sljedećih propisa Europske unije:
- Direktivom Vijeća br. 1987/54/EEZ od 16. prosinca 1986. o pravnoj zaštiti topografija poluvodičkih proizvoda;
 - Direktivom 2004/48/EZ Europskog parlamenta i Vijeća o provedbi prava intelektualnog vlasništva (SL L 157, 30.4.2004.).
- (3) Odredbe direktiva iz stavka (2) ovog članka navode se isključivo u svrhu praćenja i informiranja o preuzimanju pravne stečevine Europske unije u zakonodavstvo Bosne i Hercegovine.

Članak 2.

(Uporaba izraza u muškom i ženskom rodu)

Riječi koje su radi preglednosti u ovom zakonu navedene u jednom rodu se bez diskriminacije odnose i na muški i na ženski rod.

Članak 3.

(Definicije pojmova)

- (1) Poluvodički proizvod, u smislu ovoga zakona, jeste gotov proizvod ili međuproizvod namijenjen za izvršenje određene elektroničke funkcije, isključivo ili zajedno s drugim funkcijama, koji se sastoji od sloja poluvodičkog materijala i od jednog ili više drugih slojeva provodnog, izolacijskog ili poluvodičkog materijala, raspoređenih s unaprijed utvrđenim trodimenzionalnim uzorkom.
- (2) Topografija poluvodičkog proizvoda (u daljnjem tekstu: topografija), u smislu ovoga zakona, jeste skup povezanih slika, fiksiranih ili kodiranih na bilo koji način, koje predstavljaju trodimenzionalni uzorak slojeva od kojih je poluvodički proizvod sastavljen, pri čemu svaka slika prikazuje uzorak ili dio uzorka površine poluvodičkog proizvoda u bilo kojoj fazi njegove proizvodnje.
- (3) Komercijalna uporaba označava prodaju, iznajmljivanje ili bilo koji drugi način komercijalnog stavljanja u promet zaštićene topografije, uključujući i njezino nudenje u te svrhe. Prva komercijalna uporaba topografije ne uključuje njezinu uporabu pod uvjetom povjerljivosti, ako se ona ne stavlja dalje u promet.

Članak 4.

(Predmet i uvjeti zaštite)

- (1) Predmet zaštite je izvorna topografija u smislu da je rezultat intelektualnog napora njezina stvaratelja i da u vrijeme nastanka nije bila općepoznata u industriji poluvodičkih proizvoda.
- (2) Topografija koja se sastoji od elemenata i međuveza koji su uobičajeni u industriji poluvodičkih proizvoda može biti zaštićena samo ako, promatrano u cijelosti, ispunjava uvjete iz stavka (1) ovoga članka.

Članak 5.

(Individualni karakter kao uvjet zaštite)

- (1) Trodimenzionalne strukture topografije štite se sukladno ovom zakonu ako i u mjeri u kojoj imaju individualan karakter, a to se odnosi i na neovisno rabljene dijelove, kao i na prikaze za izradu topografija.
- (2) Topografija ima individualan karakter ako se, kao rezultat intelektualnog rada, ne proizvodi samo repliciranjem druge topografije i nije uobičajena pojava.
- (3) Ako se topografija sastoji od rasporeda svakodnevnih dijelova, ona se štiti do te mjere da raspored u cjelini ima individualan karakter.
- (4) Zaštita iz stavka (1) ne odnosi se na nacрте, procese, sustave, tehnike na kojima se temelji topografija ili na informacije pohranjene u mikroelektroničkom poluvodičkom proizvodu, već samo na topografiju kao takvu.

Članak 6.

(Rokovi za zaštitu)

- (1) Zaštita topografije može se tražiti u roku od dvije godine od datuma njezine prve komercijalne uporabe bilo gdje u svijetu.
- (2) Ako topografija nije komercijalno rabljena bilo gdje u svijetu, zaštita topografije može se tražiti u roku od 15 godina od dana njezinog nastanka.